

E-DIXGAL CURSO 2024-25

CEIP PLURILINGÜE BARRIÉ DE LA MAZA

Queridas familias, como sabedes no curso 2024-25 o alumnado que pasa para 5º de EP entrará no programa E-DIXGAL pero **non recibirán os equipos ata setembro**. Este programa garante a dixitalización das aulas e o acceso a material tecnolóxico. O obxectivo é levar a cabo unha nova maneira de ensinar que prepare ao noso alumnado para a sociedade dixital do futuro. O alumnado que pasa para 6º segue no programa e manterán os equipos no verán, recibirán indicacións de cando deben traelos por parte das súas respectivas persoas titoras no primeiro día de clase do curso 24-25.

Convocarase unha reunión informativa para familias de nova incorporación ao proxecto ao inicio do vindeiro curso 24-25.

Recomendamos os seguintes enlaces para ter máis información:

- [Folleto informativo para familias.](#)
- Vídeos E-Dixgal da Xunta de Galicia.
 - [Vídeo 1.](#)
 - [Vídeo 2.](#)
 - [Vídeo 3.](#)
- Precisas aínda máis información? [Segue esta ligazón.](#)



Que vai acontecer nas primeiras semanas de setembro?

O alumnado de 5º de EP recibirá un acordo de cesión dun material que conterá:

- Portátil convertible.
- Lapis dixital (nalgún casos. Depende do equipo recibido)
- Cargador.
- Maletín de transporte.

Deberán retornar eses acordos asinados, de non facelo non se lle poderá facilitar o equipo.

Este equipo será responsabilidade das/dos nais/pais titoras/es legais do alumnado, non deixedes de revisar o [folleto informativo](#) onde atoparedes detalles sobre este apartado. Existe a posibilidade de contratar un **seguro NON obrigatorio** pero **si recomendable** para o equipo. Toda esa xestión é externa ao centro e realízase co servizo de mantemento PREMIUM do que atoparedes información máis abaixo neste documento.



Seguro opcional para o portátil do/a alumno/a

Se así o desexa, pode contratar un seguro anual (válido dende setembro de 2024 ata agosto de 2025), que permite cubrir o risco dos danos no portátil non contemplados na garantía.

O custe anual do devandito seguro é de 49 € (I.V.E. incluído), e a súa contratación pode realizarse a través do número de teléfono 881 505 136.

O seguro cubre

Rotura de calquera compoñente do equipo (pantalla, carcasa, teclas, bisagras, conector de alimentación, outros conectores ...)
Rotura do cargador de alimentación

O seguro non cubre

Roubo ou perda, tanto do portátil como do cargador de alimentación ou do lapis.
Rotura do lapis ou da punta deste.

QUEN É O RESPONSABLE DO PORTÁTIL?

A responsabilidade do correcto coidado e do uso do equipo recae nos/as pais/nais/titores/as legais, respondendo da perda do ordenador, do seu mal uso ou dos danos producidos no equipo (que supoña o dano de calquera elemento do ordenador non contemplado na garantía).

O centro proporcionaralle o formulario de asunción de responsabilidade que debe entregarse debidamente cumprimentado e asinado no propio centro educativo.

E-DIXGAL CURSO 2024-25

CEIP PLURILINGÜE BARRIÉ DE LA MAZA

CONTACTO CO SERVIZO PREMIUM



TELÉFONO: 881 86 99 00



CORREO-E: soporte.premium@edu.xunta.es



TELEGRAM: @serviciopremiumedixgal




WhatsApp: 604067856

Que é o Servizo Premium

Trátase dun servizo 24/7 ao que podes contactar para calquera dúbida sobre a plataforma ou sobre calquera incidencia técnica.

Como accederá o alumnado a E-DIXGAL

Poderá facelo dende o equipo E-Dixgal ou dende calquera outro equipo con acceso a internet e coas súas credenciais. Seranlle facilitadas dende o centro. O acceso pode ser ben con internet a través da plataforma [EVA](#) ou ben sen el a través da aplicación EVA Offline que atoparan no PC convertible. Na web do centro dispoñemos xa dun acceso directo a EVA online, aparece co nome de EDIXGAL na foto do lateral.



Máis sobre os equipos

O alumnado deberá levar e traer os equipos da casa ao centro a diario. **Será a súa responsabilidade traelo sempre cargado** para poder traballar con el.

No caso de alumnado que teña ordenador na casa e acceso a internet, pode deixar o ordenador no centro para evitar cargar con el todos os días. De todas formas, no primeiro mes de uso cómpre que o leve para que se afaga a traballar con ese equipo. Tras ese período, podería deixalo en aula, acceder dende a casa co seu PC á plataforma EVA coas súas credenciais, onde atopará o seu traballo no punto exacto no que o deixou na aula.

Tedes dúbidas?

Se tes preguntas non dubidades en contactar co centro educativo podes facelo a través do teléfono do centro educativo 881 866 918 e preguntar pola coordinadora de EDIXGAL que tratará de resolvelas. Tamén podes enviar un correo electrónico a ceip.barrie.maza@edu.xunta.es coas vosas preguntas e un teléfono de contacto ao que chamaremos para darlle resposta.